



**Aalisarneq pillugu Inatsisartut Inatsisaat allanngorteqqullugu imaalillugu Kalaallit Nunaata kitaani raajanut TAC –ip agguanneqarnerani sinerissap qanittuani aalisartunut avataasior-tunullu assigiimmik 50/50-ngortillugu suliareqqullugu Naalakkersuisut peqquneqarnissaa-nik Inatsisartut aalajangiiffigisassatut siunnersuut.**

(Inatsisartunut ilaasortaq Nikolaj Jeremiassen, Siumut)  
(Siullermeerneqarnera)

Demokraatinit paasilluarparput ullumikkut raajanut TAC-ip agguanneqarneranut peqqutigineqarsinnaasut ilumut naapertuunnertut apeqqusernartoqarnera. Isumaqarpugulli tunngavik una sammisat allat tamarmik tunulliukkaat. Namminersornerusut isumaqatigiissutisiornikuupput angallataatillit naleqquttumik pilersaaruseriorlutik naatsorsuutigalugu isumaqatigiissuteq atuutsinneqassasoq.

Kalaallit allamiullu suliffeqarfiutaat inuillu ataasiakkaat sutigut allatigut namminersornerusunut isumaqatigiissusiortarput. Aalisakkanik pisassiissutinik, mittarfinnut aatsitassarsiornissamulluunnit tunngasunik.

Namminersornerusunut sunissami isumaqatigiissusiorneq ajornannginnerussappat isumaqatigiissutigeriikkagut aamma ataqqisariaqarpavut. Siunnersuulli una killormuuanik siunertaqarpoq.

Taamaattumik Demokraatinit siunnersuut isumaqatiginngilarput taamaattorli itigartinneqarnissaa inassutigaarput.